

تحت تأثير الكحول

البعض قعدوا يطرقعوا قعور الكاسات
و يصبوا فيها و يشربوا
و يطرقعوا تانى
و انا كنت وحداني
ضليت طريق باب الخروج
فرجعت لمكاني
طرقعت كاسي فى الهوا / ما سمعت صوت
فضيته / فملاني
و البعض قعدوا يطرقعوا قعور الكاسات
و يصبوا فيها و يشربوا

و يطرقعوا تانى
تالت
رابع
صوت الغنا عالي
و انا كنت مش سامع
دخان رخيص خايف
خلاني مش شايف
نُص الكاسات مختومه بدهان الشفايف
نُص الكراسي مكسوفين
نُصي السليم بيشدني نخرج
و يردني نُصي الحزين
تلت الغرور جوايا عمره ما يتفرد
و يكفى تلتين الحنين
انا ابن فصل الشتا
و انتي حفيده الربيع

وردایه بیضه تزینی البستان
بهجه حیاتک جوہ حزنی
مسیرھا یوم ہتضیع
توبی التقیل ما یلیقش ع الفستان
فأسکر عشان أنسی
و أنسی عشان سکران
البعض قعدوا یطرقعوا قعور الکاسات
و یصبوا فیھا و یشربوا
و یطرقعوا تانی
انا مہما بشرب لیہ
مش قادر انساکي
و ازای بدون خمرہ
تبقی انتی ناسیانی
= لحظه ذہول =

كان الدي جي بيقول
«يا حمام بتنوح ليه»
شدتنى واحده ارقص
تشبه لبنوته باليه
معرفش ايه مبهج
يستاهل اترقص عليه
فرفضت اكون مجنون
برقص على روعي
انا الحمام اللى ناح
غنيتوا على نوحى